

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KE TIGA
PARLIMEN KEEMPAT BELAS**

PERTANYAAN : BUKAN LISAN

**DARIPADA : PUAN MARIA CHIN BINTI ABDULLAH
[PETALING JAYA]**

SOALAN

Minta **MENTERI PENDIDIKAN** menyatakan bilangan pelajar-pelajar IPT daripada golongan B40 yang terkesan dengan penularan wabak COVID-19 dan yang mana wang pinjaman PTPTN tidak mampu menanggung perbelanjaan harian mereka dari tahun 2018 – 2019.

JAWAPAN

Tuan Yang Dipertua,

Untuk makluman, penetapan kadar atau jumlah pinjaman Perbadanan Tabung Pendidikan Tinggi Negara (PTPTN) bagi seseorang pelajar adalah berdasarkan maklumat yang terdapat dalam pangkalan data Bantuan Sara Hidup Rakyat (BSHR yang sebelum ini dikenali sebagai BR1M). Polisi penetapan ini mula diperkenalkan pada Disember 2014 dan sejak daripada tarikh tersebut sehingga 31 Oktober 2020, PTPTN telah meluluskan pinjaman kepada 1.01 juta peminjam. Daripada jumlah tersebut, seramai 522,169 atau 54.37 peratus merupakan peminjam daripada golongan B40 yang menerima pinjaman pada kadar maksimum seperti ditawarkan oleh PTPTN.

Untuk makluman Ahli Yang Berhormat juga, penetapan kadar/jumlah pembiayaan PTPTN adalah telah sedia ditentukan (*predetermined*) berdasarkan kursus, peringkat pengajian serta jenis institut pendidikan tinggi (IPT), sama ada institut pendidikan tinggi awam (IPTA) atau institut pendidikan tinggi swasta (IPTS), yang tidak bersandarkan kepada kadar

NO. SOALAN : 257

yuran pengajian yang dikenakan oleh IPT. Sehubungan dengan itu, pengukuran sama ada kadar/ jumlah pinjaman yang diterima oleh peminjam mampu atau tidak menanggung perbelanjaan adalah berbeza mengikut kursus, peringkat pengajian serta jenis IPT.

Sekian, terima kasih.